

ادبیات عمومی و تجریدی

هفته‌لق سیاسی ، ادبی و علمی غزته‌در .

جلد : ۲

سنه : ۱ ۲۷ رجب ۱۳۳۵ جمعه ايرتسی ۱۹ مایس ۱۹۱۷ نو مورو ۲۹

محیط و ترک‌لر

[کچن نسخه مزدن مابعد]

بو سلطنت ، شمالده ، بیوک دره‌لر حوالی‌سندده لهستان ایله ؛ [قاریات] حدودنده آوستریا ایله ، اقصای شمالده [موسقوه بیوک - دوقه‌لنی] ایله ؛ جنوبده [عمان] و [حبش] حکومتک بولوندینی اراضی ، صحرای کبیرک ، سودانک حدود غیرقطعیه سیاه ؛ شرقده عجم ایله ، بحر فارس ایله ؛ غربده [آدریاتیکی] دکزی ، وندیک جمهوریتنه عائد [دالماسیا] اراضیسی ایله ، [فاس] سلطانلی ایله محاطدی .

پوشه‌نشا هلق صوغوق ، منجمد ، صیجاق ، حار ، معمور ، چول ، وحشی ، مدنی ، داخلی ، خارجی ، ساحلی ، قطعوی ، جزیری ، هر درلو محیطاتی جامع ایدی ، عجب‌ترک بویرلرک هر طرفنی می کندیسه وطن اتخاذا ایتدی ، یوقسه بر قسمنی مستملکه می تلقی ایدیوردی ؟
شو ایکنجی جواب صحته دها قریبدر . بو کون افکارلر ، فرانسلر ، فلمنکیلر هندده ، [آوسترالازیا] یه نصل قونعشلا ایشه ترک‌لرده ، مثلاً ، [اردل] ، [طمشوار] ایالتلرینه اویله‌جه قائم اولتلردی . مقصد ، مثلاً ، [طمشوار] ی ، [اردل] ای اهالیسنی تمثیل ایله ترک ملکنه الحاق ایتک دکلدی .

جامعه اسلامیت داخلنده بولونمقاه مصر کی ، مغرب کی بعض ولایات فرقلی معامله یه مظهر اولدی . فقط - مستثنا نقطه لردن صرف نظر - ترک بورالره یرلشدی ، بورالرنی پلک اوقدر وطن اتخاذا ایتدی . بونکله برابر مصرک ، جزائرک ، تونسک یوکسک طبقه لرنده ترک‌لر قالدی .
هله حبش ، یمن کی ایالات حقیقه مستعمره اوله رق ترک ایرلدی .

اصل ترک‌لر یرلشدیکی ، وطن تلقی ایتدیکی قطعه آناتولیدر . آناتولیده ترک‌لر اکثریت تشکیل ایتدیلر - بناء علیه محیط نظریه سنک تطبیق‌اتنده ، ترک‌لر ایچون ، آناتولینک تدقیق الزمدر . ترک‌لر هریره مستولی اولدیلر ، فقط ، آناتولی یی هریردن زیاده وطن طانیدیلر .

روم ایلییه کلنجه : بوقطعه نك طونه ایله آطه لر دكزی آره سنده و قره دکز و مهره دن باشلیه رق اسكوب ، پرزرین ، مناستر ، تسالیا آره سنده مفروض بر خطدن اعتباراً جهت شرقیه سنی ده تركر آز جوق وطن تلقی ایتدیلر . فقط بولغارلر ، روملر ، اولاخلر ، صربلرینه برلی یرلرنده قالدی . بعض نواحیده تركر ، بعضلرنده آنلر اکثریت ایدیلر . بو حال ، افکار ملیه نك انكشافنه قدر دوام ایده بیلردی . آندن صكره معلومر اولان مؤسف وقایع سرزده حدوت اولدی . طونه بوینده کی نقاط و ایچریلرده کی بعض قلاع مستثنا اولق اوزره افلاق ، بغداد ، اردل ، صرب ممالكنه اصلاً تركر كندی مملكتلری نظریله باقیدیلر . یونان قرالغنی بالاخره تشکیل ایده جك اولان محللرده یالکز بعض نقاطده تركر سا كندی .

آرناؤد لرك ثلثانی مسلمان اولدی . فقط تركر ، كذلك ، آرناؤد لقدمه یورت ایدعه دیلر . بوسنه ده حقوق تصرفیه سنی ده ا زیاده تأمین ایتك ایچون آریستوقراسی اسلامی قبول ایتدی . فقط ثلثان اهالی اورتودوکس و قاتولیکلکی محافظه ایدیلوردی . كرك آرناؤد لغه ، كرك بوسنه - هر سكه كیدن تركر مرور ازمان ایله آرناؤد و بوشناق اولدیلر .

صربستان و رومانیاده کی قلمه لر اهالیسی صوك زمانلرده كاملاً او مملكتلری ترك ایتشلردی . ایچون تركر ممالك مستولییه نك كفه سنی قاعده تمثیله رعایتله تركلشدیرمدیلر و بتون بو بیوك ایمپراطورلنی وطن اتخا ایتدیلر ؟ و هله ابتدائییه ده بو بر خطا تلقی اولنه بیلیر . فی الواقع استانبولده عقیب فتحده قدیم جماعتی ابقا ایتك کبی برطاقم وقایعده نظر دفته آلینیر ایسه بو طرز تلقی تقویت پیدا ایدر . فقط شوراسی ده انكار ایدیله مرکه عثمانلی تركلری کبی عدداً آزلق بر ملت كه بوكون مقدارینی ۱۲ ملیون اولق اوزره تخمین ایدیلورز - کنديسك اضعا ف مضاعفه سی درجه سنده کی نقوسی كاملاً تمثیل ایده مریدی . او زمانلر لسان و ادبیاتده متفوق دكلدی . استیلار ك ماهیت موقته سی دركاردی . الیوم روسیه حكومتی - كه قانون تمثیله پك زیاده مراعتكاردر - فینلانديا و لهستان حوالیسنده نه یاپه بیلدی ؟ [بالطق] ایالاتنده ، قافقاسیاده ، وسطی آسیاده ایسه بونجه مساعییه رغماً (روسیفكاسیون) روسلاشدیرمه عملیه سی بیوك نتیجه لر ویرمدی . لهستاندن آلنان [پوزنانیا] ایالتنده اسول تمثیلك بتون قواعدی تطبیق ایدیلكه و حتی استملاك نظامانه كرمی ویرمكه بیله بیوك بر نتیجه استحصال ایدیلهمدی .

غالیچیا و بوقوویناده کی روتن و لهلر ، موراویا و بوهیمیا چهلری ، شمال و جنوب سلاولری ، تارانتینو ، تریسته و دالماسیا ایتالیانلری عصرلردن بری ملیتربخی محافظه ایدیورلر . اردل اولاخلری ، اسقلاوونیا و خرواتلق صربلری ده بونلره مقیدر . قاناداده کی ثلث اهالی فرانسویه ثلثان انغلو - صاقسونك آره سنده صیقیشوب قایقله برابر انكلیزلكی قبول ایتدی .

عثمانلی تركلرینه اصل اسناد اولنه بیله جك قصور وطن اتخا ایتدكلری اقالیمده ، خصوصیه قسطنطنیه ده ، آناطولیده و روم ایلینك كندیلرینه یورت بیله كلری حوالی شرقیه سنده جمعیات اسلافی ابقادر . هله پای تخته بیزانس ایمپراطورلغك فنار شكندده دوامنه مساعده ایتلری - منطق سابق ایله دوشونلنجه - حلی محال معمالردندر . تركلره ، اجانب غرب ، مستولی نظریله باقنده درلره تركرك بو دیارده کی اقامتربخی بر اردو هیئتك غربته قرارگاه قورملرینه بکزه تیورلر .

بو ادها اصلاً طوغری دكلدر . [اونغار] دنیلن تورانیلر مجارستان اووه لرنده ؛ ایدل (وولغا) ساحللرندن ، قزان طرفلرندن كلن [قره بولغار] لر طونه نك جنوبنده ؛ ینه توراندن

هجرت ایدن فینلر فینلاندا شبه جزیره سنده ؛ مهاجرت عمومی طریقیله غربه کن مختلف اسلاولر، جرمنلر اوروپاده نصل وطن اتخاذا ایتشلر سه بزده ، بالخاصه آناطولیده ، بر رطن ایدنلر . عثمانلی ترکلرینک حقوق تصرفیه لری مثلاً بحارلرک حقوقندن دها آز دکلدر . شوراسی ده اونوتولاملیدر که عثمانلی ترکی دیدیکمز میلیونلرک بر قسم اهمی - دیگر بر صدده تفصیل ایتشدک - اهالی محلیه نکلر کلکه اهتدا ایدن قسیدر . و عثمانلیردن اولده ترکلر آناطولینک سکنه سندن ایدیلر . عثمانلیر بو اقلیمده حکومت قوردیلر ، مؤسسات وجوده کتیردیلر . ابنیه تأسیس ایتدیلر و آناطولیدن بشقه یرلره کیتمک و مثلاً تورانه عودت ایتمک کبی امللر بسله مدیلر . [ماهان] و [خوراسان] ایله بونلرک علاقه لری قطعاً کسلمشدی . کذلک بودیاردده ، بو محیطده اقامت اعتیادی ده آنلری [آلتای] و [اورال] جبللرینه بیانچی ایتشدی . دها ایلری به کیده رک دیلم که قانونی زماننده مثلاً آلتایک ، قره قورومک ، خوییلای خانک اسمی بیلن یوقدی . تیمور لنگ ایسه اک منفور بر عثمانلی دشمنی اولق اوزره مصالحلر مزه قدر کیرمشدی .

وسطی آسیانک درشت اقلیمی اونوتلیدی . ترکلر دکزی بیلمز لردی . دکز آنلرک حیاتنده بیوک بر رول اوینامامشدی . [تیمور] دکزه آلشقین اولدیغندن روملرک هدیه سنی قبولله استانبوله صالیرمادی . [چنگیز] حکومتی بیله دکزی پک آز کوردی . آق دکزک افق شاعرانه سی عثمانلی - ترکنک روحنی دکشدیردی . صیجاق اقلیملر آنک مزاجنه پک چوق تأثیر ایتدی . لطیف مواقع ، کیرینتیلی ، چیقینتیلی قویلر ، قره دکز ، هر مره سواحلی ، خصوصیه بوغازلر ، آطلر ترکک حیاتنده عظیم تبدلاته بادی اولدی . او درجه ده که اصلاً کبی بیلمین ترک ، رئیس لرک دور قهرمانانه سنده ، میرسفیدک حاکم مطلق کسلدی . قورصانلق قطعاً کندیلرنجه بیلنمز دی . بروقت اولدی که بتون سواحله کی فرنکار ترکدن تریور لردی .

بورالرده مواسم اربعه توراندن دها بیوک بر انتظامله تعاقب ایدر . بوده ترکک اعتیادات حیاتیه سنی دکشدیردی . توران تسیقاتی کاملاً براقلیدی . اسلامیت روح جمعیت مزه نافذ اولدیغندن یکی مؤسسات وجوده کتیردک . اوروپایه یاقلاشدق . کوزلرمن پک قاپالی اولقله برابر بر خلی تجدداتی رأی العین کوردک . اوروپادن بزه پک چوق ملتجی کلدی . بونلرله اولان اختلاط ترکلره منشائی کیتدکجه اونوتدیردی .

استانبول میلیونلرجه اوروپالی ، تاتار ، اسلاو ، عرب ، عجم تبعه نکل مرکزی اولدیغندن (قوزموپولیت) بر ماهیت آلدی . مأمورلر مرکز دن حرکتله چار اقطار جهانیه کیتدیلر . بر چوق محیطک محصله واحده سی اولق اوزره میدانه استانبول کبی غریب و حتی اغرب بر مقر کلدی . دها طوغری بر تعبیرله قوزموپولیت بیزانس ، قوزموپولیت استانبول شکلنده تمادی ایتدی ، کیتدی .

أمپه ریثالیزم = جهانیکیرلک فکری بزده ایلر بلسه ایدی هر حالده دها مختصر بر محیط داخلنده دها ملی بر رنک ایدینیردک . اوروپانک نه اولدیغنی اوزمانک رجالی بیله مه مشلردی . قانونی و شارل کن عصرنده تقریباً بتون غربک ، بتون اوروپانک ایکی مقصدی واردی : اولاً - اسپانیا ، ناپولی ، آشاغی مملکتلر ، [فرانسه - قونته] الکالرینه ، ارثاً آوستریایه و انتخاباً (جرمانیا) مقدس روما ایمپراطورلغنه مالک اولان بشنجی شارلک اقتدارینی حد معقولنه ارجاع و ثانیاً - ترکلرک اوروپایه سرایت ایدن مهاجره لری قطع ایتمک .

أوروبا بویلاننده موفق (بالشر) اولدی. بوقدر بیوک بردشمنی آکلامقلمز و آندن استفاده ایتکلمز کرکدی. أوروبا ترکلرک الی الابد یاشایه بیاهجکری بریر اولقدن پک. اوزاقدی. چاپول ایسه دائمی بر وسیله کسب وکار اوله ماز. بوراسنی ده مشاور دولت اولقی صفتیه بر جوق اعظم آکلایه مدیلر. بر مؤرخز دیورکه بعض منقلر دورشکوهمزده أوروپایه کیتدی کمزی مقبول بولیورلر؛ حالبوکه اسرا آلتی کبی بواسفارک بر حکمتی واردی.

بو، پک عادی بر مطلبندر. بو مقصدله بیکرله کیلومتر و اوزاقلره کیدلز. عثمانلی ترکلری دائره لرینک خارجه جیمقله ضرر کوردیلر. سقوط، ظن و تخمین ایدیه میه جک درجه ده الیم اولدی. فی الواقع اوووبالیلر مستعمرات دورنده بر جوق یرلره یاییلدیلر. فقط انکلیزلرک هنده، فرانسلرک هند چینی یه استیلالری ایله بزم آوستریایه هجومز بیتنده فرق واردر: هندیلر سهولته دائره انضباطه کیرر. بونلر پک اوقدر عسکری و مترقی بر قوم دکلدن. بزم مبارزض، بالخاصه تبعه ض اولان ملتر آنلره قیاس قبول ایتیه جک درجه ده بهادر، جنگاور و متکامل افراددن سرکدر.

فی الواقع محیط مختلف زمانلرده دکشدی، اهتزاز ایتدی ایسه ده ترکینه آناطولیده و روم ایلینک اقسام شرقیه، سنده آرانه بیلیر. اورانک شرائط جغرافیه سی ترک عرقی اوزرنده تأثیرینی کوسترمشدر. ترک، آناطولی یه بکزه ر. تاتار ایسه ده زیاده ترکستانه شبهدر.

شرق اقلیمی ترکلری دیگر اقوام شرقیه یه کاملاً بکزه تمه مش ایسه بونک سببی عثمانلیرک سحیه اصلیه لرینی محافظه ایتلری، واسلامیته اهتدالریدر. عثمانلی ترکلری، - مجارلر کبی - اسلامیته کیرمه ایدیلر، بوکون، - شوکا قویاً امین - بو حوالیده، بتون بتون روم اولورلردی. نته کیم (آشاهی امپراطوراتی) لاتینلری الیوم اصل یونانلیر کبی روم اولشلردن. چونکه غایت یاپیشقان اولان روم و یونان ملیتی - خصوصیه مذهب سایه سنده - هر شیئی بلع ایدردی. ترکلر اسلامیته تمیل ایله عربلشمیلر؛ چونکه آنلرک هنگام اهتداسنده عربلرک قابلیت تمثیلیه سی آرتقی قالمامشدی. بو قابلیتک موجود بولوندی زمانلرده ایسه عرب طرفنه کچن بر جوق ترک عربلشمشدر.

خلاصه کلام: ترکلر اسلامیته کیردکارندن یونانلشمیلر. عربلرک ده یالکز هبوط دورنده مسلمان اولدقلرندن عربلشمیلر. کنایلرینک اوزمان لسان و ادبیاتی، یوکسک اولدیفتدن آناطولیده قالان و روم ایلیده بولونان انقاض نصرانیه یی کاملاً ترکشدیرمیدیلر. فقط محیط و دین آنلری مانکو خالک توابعدن پک بشقه، بتون بتون بشقه بر ملت اولقی اوزره صحنه تاریخه وضع ایتدی.

صورت نوری

خیالک بین الملل تأثیراتی

بالی یه

آرمالرک هان هپسنده و بایراقلرک بر قسمنده، حالا اسکی زمان حکمدارلرینک بقیه احتراضنه بکزر بر طاقم خیالی رسملر و اشارتلر کوره بیلورز؛ اسکی مسکوکاتی آکدیران بوعلامتیرک اوستنده، یا ایکی باشلی، یا قانادلری آجیق بره قارتال، یا خودده صافه و صوله باقان بره